



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

***Komunikadu Imprensa***  
**18 Novembru 2013**

## **Komunidade Suco Rairobo apresia ho treinamentu husi JSMP kona-ba Justisa formal**

Iha loron 14 Novembru 2013, *Judicial System Monitoring Programme* (JSMP) liu husi Unidade Legál Research Unit (LRU) no Relasaun Públiku (Outreach) hala'ó atividade treinamentu kona-ba “Asesu ba Justisa” iha Suco Rairobo-Sub Distritu Atabae, Distritu Bobonaro-Maliana.

Partisipante ne'ebé partisipa iha treinamentu ne'e kompostu husi estrutura suco sira ne'ebé inklui xefe suco, xefe aldeia, lia nain, feto rua no joventude feto no mane. Partisipante sira hamutuk ema nain 30, mane na'in 18 no feto na'in 12 .

Materia ne'ebé apresenta kobre asuntu direitus umanus, sistema justisa iha Timor Leste, kna'ar autór judisiáriu sira maka hanesan Juis, Prokurador, Defensor Públiku inklui Advogado Privadu sira, polísia hanesan ajente investigador. Aleinde ne'e fahe mós informasaun kona-ba konseitu krime públiku no semi públiku, direitu no dever arguido no vítima iha prosesu penál.

*“Treinamentu ida ne'e hanesan kontinuasaun hosi JSMP ninian komitmentu hodi kontinua habelar informasaun no hasa'e koñesimentu comunidade sira, liu liu estrutura suco iha area rural kona-ba oinsa asesu justisa tuir dalan formal nian, dehan Diretór Interino JSMP, Casimiro dos Santos.*

Iha parte seluk, Xefe Suco Rairobo iha ninia abertura nomós enserametu hato'o nia sentimentu kontente tanbá JSMP bele hili ninia suco ne'ebé rurais tebes hodi fahe informasaun legál ba sira.

*“Suco Rairobo ladun asesu ba informasaun liuliu kona-ba justisa, nune'é hau lori comunidade Rairobo hato'o agradese tebes ba JSMP tanba bele hakat mai iha ami nia suco hodi hato'o informasaun kona-ba lei ligadu ho direitu minimu ne'ebé*

*garantia ita nia moris. Tanba ne'e, husu ba partisipante sira hodi aproveita oportunidade ida ne'e atu aprende barak liu tan kona-ba oinsá atu prosesa kazu liu hosi dalan justisa formal".* dehan xefe suco Rairobo, Pedro da Cruz.

Xefe Suco iha ninia enseramentu husu ba participantes sira liu-liu estrutura suco no lia nain sira atu rejolve problema tuir natureza do krime.

Partisipante sira ne'ebé maka marka prezensa ativu tebes, no hatudu sira nia interese atu hatene klean kona-ba materia sira ne'e.

Atividade treinamentu ne'e realiza tanbá hetan suporta husi Finlandia.

Atu hetan tan informasaun kompletu, favor kontaktu:

Casimiro dos Santos

Diretór Interino JSMP

Diresaun e-mail: [casimiro@jsmp.minihub.org](mailto:casimiro@jsmp.minihub.org) / [santos.cos76@gmail.com](mailto:santos.cos76@gmail.com)  
[info@jsmp.minihub.org](mailto:info@jsmp.minihub.org)

Telefone:3323883 | 77257466

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl